



Universitätsbibliothek Paderborn

**De Honore, Dignis Vel Indignis, Jvste Vel Invste, Deo
Semper Jvstissimo, Dato, Negato, Violato**

Stengel, Georg

Ingolstadii, 1650

§. 3. Opiparu[m] & ferale Comitis epulum.

[urn:nbn:de:hbz:466:1-48689](#)

lum, & affer ad me. Quæ ab iyt, & fecit iuxta verbum Eliae. Quæ jam hoc mater faceret, quæ non diceret; *Quisq; sibi proximus*, aut, *Tunica pallio propior est*: Ego prius, cum filio meo, comedam; si nobis ipsis non sufficit, eur daremus tibi? Nihil horum dixit; sed Eliæ primū dedit, prodigioso quodam hospitalitatis exemplo. Quo non solū nibil amisit, sed lucrata est plurimū. Nam & comedit ipse, & illa, & donsus eius: & ex illa die hydria farina non defecit, & lecythus olei non est imminutus. Quin & aliud beneficium illi Elias contulit, vt defunctum postea filium eius à mortuis resuscitaret.

§. III.

Opiparum & feralo Comitis epulum.

Parem hospitalitem prædictus Comes, vtpote opulentus & omnibus rebus abundans S. Vdalrico non exhibuit, maius tamen beneficium reportauit. Nam postquam summis precibus obtinuit, vt pius Antistes apud eum diuerteret, res prorsus noue atq; stupendæ acciderunt. Iusserat Comes epulum splendidissimum apparari; iamq; accubuerant, & tot missus in mensam inferebantur, vt eorum ne numerandi quidem, ne dum edundi copia esset. Ac, vt cum ventre etiam

etiam oculos liceret satiare, stabant, inter cibos, pictæ ad elegantiam dapes, vernabant horti; germinabant de ferculis herbæ & gramina; saliebant in altum è sacchareis rupibus fontes; explicabant in orbem oculos & gemmatam caudam pauones. Denique quidquid tanto hospiti honorando concorum industria atque cupediariorum artes poterant elaborare, apponebatur. In seculo ista magna videntur, & hominibus, corpori saginando deditis placent. D. Vdalrico omnia frustra fuerunt apparata. Nihil illi sapuit, nihil omnium pretiosorum attigit. Nempe alium illi cibum misit Deus, quem vulgus nesciebat. Siquidem, ubi cœptum est epulari, sub ipsa conuiuij initia, introducta est, in triclinium, miserandi vultus femina, emaciata, pallida, ossea; de cuius collo humanum caput, idq; tabidum catena reuinctum pependit. Hoc tam triste mulieris spectrum, in extremo triclinij angulo cum canibus prandere atque hordeaceo pane & aqua contentū esse cogebatur, ad mortem potius, quam ad famem arcendam. Quod tam miserabile spectaculū non solum exterruit S. Antistitem, sed etiam à ferculis ad se totum rapuit occupauitque.

Omnibus igitur alijs rebus omissis; domi-
num domus interrogauit, quænam esset &
rumnosa illa, & quæ tantæ immanitatis
caussa? Conticuerunt omnes initio ad hanc
interrogationem, neque ipse loci Comes
statim erupit in responsa; sed aliquamdiu
cogitabundus hæsit. Vbi autem visus es
sibi satis iræ & verborum collegisse; mag-
no sermonis pondere sic cœpit loqui. Ve-
nerande Praesul, Femina hac, quam, inter can-
hos, coram intueris, aliter quidem est à primu-
incunabulis enutrita, sed nempe è prima nobili-
tatis domo oriunda aliter vixit, quam eam opti-
mi parentes docuerunt. Siquidem è castissima
educatione in putidam moechā degenerauit. At-
que, ut me clariūs intelligas; hac uxor mea fuit,
sed per adulterium mea esse desijt. Eapropter
eam anno iam solido, in hunc, quem vides mo-
dum, castigo, facinusq; hoc sanguine indignum,
vindico; ut alia illius exemplo discant fidem tori-
babere sanctiorem. Porrò cuculus meus fuit E-
questris ordinis homo, cetera nobilis, hoc autem
crimine & stemmatis sui infamia, & domus
mea ignominia factus. Cuius proinde sceleratum
à ceruice caput resectum, ferroq; vinclum, i
collo amasia noctes diesq; pendulum feci, ut ei-
am mortuum in oculis haberet, quem solebat

VIIII

vinum in sinu gestare. Ob hoc flagitium, hoc moruit ornementum. Atque hoc clementia mea est, torquatam feci, quam oportuit esse cretam. Beneficio meo viuit, per quam si stetisset. Aegithum meum iam dudum habuissim.

§. IV.

Facile esse errare, præsertim eos, quos zelotypie decipit.

Hæc contentiùs perorantem, quo sensu generosæ indolis femina audierit, vos cogitate; certè, morte ipsa illi grauius fuit, in catenis produci, &c., coram tanto hospite, in angulo, cum canibus, bestiæ instar, pasci. D. Vdalricus, postquam audiuit, aulæ Dominam illam esse, Deoq; suggerente, intellexit, innocentem tam miseris modis discruciari, rogauit primùm Comitem, ut, quæ apposita erant, omnia iuberet auferi, mensasq; remoueri; non enim sibi quidquam sapere, aut famem esse ad mortales cibos, vbi animarum posset negotijs satiari. Postquam ergo Comitis mandato ablata fuerunt omnia, cœpit divinus Antistes eiusmodi sermonem. *Magno me, Domine Comes, hospitijs & conuiujs honore excepisti, maiore beneficio afficies, si, ut adiun tuarum portas mihi aperuisti, ita & aurium ostia pan-*